

МОЛИТВА (Сьыланкыв)

Ќтчыд вўлі муна
Вичко дінті пыдди,
Дум вылын коммуна -
Тўлькў сійўс лыдди.

Видзўда, сэн дядьў,
Лэчыд, быттьў бритва...
Юрбитў да лыддьў
Зэв гора молитва:

«Сьвятўйяс кў эмўсь,
Кывзўй ёна-бура...
Меным сетны милўсьт
Абу мый нин пўра?

Сарица небесна,
Всек скорбящих радось!
Тўждысь миян вўсна -
Ми сы вылў радўсь.

Изўсим Саватей,
Шорйывса Микола!
Мед вўлі сар-батьўй -
Ленинысь ме пола.

Милўсьта Сретенньў
Да Микола Рецкей!
Сулалам затрення –
Мед эз вўв и Троцкей.

Сьтепан Опонасей...
Асланым Перимскей!
Сарыс кў эз кывсьы -

Мед кӧ нын Керенской.

Онтоней Печерской,
Воскрисинья Крестов
Мед вӧліны: Земской,
Исправник и Пристав!..

Серапим Саровской,
Микола Угодник!
Мед кӧть и вӧровской,
Да вӧлі урадьник...

Блаженнӧй Ирина,
Преподобнӧй Менкур!
Мед вӧлі роч вина,
Мед либӧн и аскур...

Ёгорей Праведнэй,
Да Ыджыд Веденнӧ!
Мед ланьтас код беднэй -
Служитам обӧнъя...

Димитрей Селунской,
Да Патриарк Медос!
Синманыс сӧлыштӧй,
Мед оз корны мӧдӧс!

Пролок Илля, гымышт,
Мед большевик садьмас,
Мед весасяс «кырныш»
Ен тӧдтӧм юр-садьнас.

Улита Кирита,
Петыр Павел – ключник!
Райӧ эн примитӧ
Большевиклысь кучик»...

18/X -20